

故宮週刊

易培基題

藍泰景藏庫小殿凝端



六之器瓷軒月古




宮內清查、
乾隆二十三年七月十二日、總管內務府大臣奏、為遵旨查得內廷一應庫務編等歸類收發封鎖等項章程、業經三和、倭赫奏准在案、應令該庫總管太監人等遵照辦理、惟查庫務檔案、俱應蓋用騎縫印信、請令總管太監酌量一年足用張數、釘簿送內務府、逐張鈐用廣儲司印信、存貯該庫、凡有收發錢糧什物等項、俱令即時登記印檔、不惟易於稽查、且杜絕遺失之弊等因具奏、奉旨依議、
乾隆二十四年十一月二十八日上諭、本月十九日、奏事總管王常貴、太監秦祿、高昇、將雲貴總督愛必達、山東巡撫阿爾泰、奏匣外包封、互相外錯發去、將王常貴等、交總管治罪、隨經總管劉玉等奏稱、查例凡宮殿監接奉上諭具奏事件、有不敬謹詳明、以致外錯者、罰一年月銀、今秦祿等包發奏匣外錯、總管王常貴失於查對、應各罰一年月銀等因具奏、奉旨依議、
(未完)

生先士兼沈長館副館獻文兼事理院本



清宮史訓諭選錄(續)

乾隆二十一年六月初九日總管王常貴倉州王成李裕、首領張玉程斌等奉上諭敬事房所司官物錢糧、向無查核、嗣後俱著年終具奏、交養心殿存查、養心殿所司官物陳設、向亦無查核、亦著年終具



(宋人書法之一)

宋 歐 陽 修 復 端 明 侍 讀 札

傾啓傾以衰病餘生蒙
 上恩寬假哀其懇至得遂
 歸老自杜門里巷与世日疎
 惟竊自念幸得早從
 當世賢者之遊其於欽嚮
 德義未始以忘於心耳近張
 寺丞自洛來出
 所惠書其為感慰何可勝言
 因得仰詞
 起居喜承
 宴愛優閑
 履况清福春候暄和更冀
 為時受重以副措紳所以有
 望者非獨田畝盡之人區
 也不宣 頌再拜
 瑞明侍讀留臺 執事

按此為宋熙寧五年歐陽文忠復司馬溫公之書、攷宋史神宗熙寧三年、司馬光以端明殿學士知永興軍、四年、判西京留守司御史臺歸洛、修資治通鑑、故通鑑結銜、題端明殿學士兼翰林侍讀學士、歐陽此書、以端明侍讀留臺並稱、當在此時、又攷歐陽公年譜、公於熙寧四年六月、以太子少師致仕、茲書中所云、蒙上恩寬假、俾遂歸老、及張寺丞自洛來出所惠書等語、證之當時情事正合、惟致仕係四年六月、此書尾署三月、又當在熙寧五年也、是年閏七月公薨、此書為其末年之手筆、尤可寶貴云、

宋 馬 遠 秋 泊 聞 雁

(宋元明畫冊之三)

小傳詳前



歐陽修、廬陵人、觀子、字永叔、自號醉翁、舉進士甲科、慶曆初召知諫院、改右正言、知制誥、時杜衍、韓琦、范仲淹、富弼相繼罷去、修上疏極諫、出知滁州、徙揚州、穎州、還為翰林學士、在翰林八年、知無不言、嘉佑間拜參知政事、與韓琦同心輔政、熙寧初與王安石不合、以太子少師致仕、修博極羣書、得昌黎遺稿、苦心探索、遂以文章冠天下、晚號六一居士、謂集古錄一千卷、書一萬卷、琴一張、棋一局、酒一壺、鶴一雙也、卒謚文忠、有新唐書、新五代史、毛詩本義、集古錄、歸田錄、洛陽牡丹記、文忠集、試筆、居士集、六一詩話、六一詞、

明周臣畫松泉詩意

明

朱

蔚

畫

扇



朱蔚、字文豹、華亭人、萬曆辛丑進士、以翰林爲閣、得文氏風



周臣、字舜卿、號東村、吳人、善山水人物、學畫於陳遜、益工六法、畫大小像、古面奇裝、纖濃治麗、爲世所寶、其體頭賤贈、多似李唐、其法並馳、初臣以畫法授之唐寅、及寅以畫名世、或傾於酬應、仍倩其代作、非具眼不能辨也、

明莫是豸畫扇

(詳未傳小)



射陽先生存稿選(續)

贈子价

我非朱郎龍鳳種、即今詩思逼劉曹、玉鞭紫氣騰風骨、金殿春雲照羽毛、絕世飛揚人未識、致身儒雅道何高、投君海上三山賦、報我花間五色袍、

庚戌寓京師迫於歸志呈一二知己

世味由來已備嘗、鷗心寧復到鴻行、縱令索米容方朔、未必含毫象子長、六月車塵驚客鬢、連宵鄉夢遶山堂、明珠有贈慚無報、繫在羅襦未敢忘、

金山寺

幾年夢遶金山寺、千里歸舟得勝遊、佛界重同江月靜、客身暫與水雲留、龍宮夜久雙珠見、鰲背秋深片玉浮、醉倚石欄時極目、雲霞東起海門樓、

寄漁石唐公

綵筆昔曾干幕府、十年淮海憶嚴廊、雄風共仰安邊策、文斗遙明執法光、春草南陔回袞繡、漁竿白石弄滄浪、青山已信公真隱、肯爲乾坤出野堂、

送陳梧岡水部

淮南春草逗春生、僊客乘春賦北征、鄉里太丘還使節、古今工部總詩名、青雲故傍班衣麗、瑞斗時看寶劍明、知有新詞飄白雪、風樓先和鳳凰鳴、

金陵秋日東文壽承兄弟


帝城的是好風光、錦繡天街散桂香、金勒駐花留夜醉、朱樓拜月換新粧、三千闔巧琵琶院、百萬爭先蟋蟀場、寄語橋西文學士、試排詩酒待重陽、

(未完)

元板朱子成書之一頁



元板朱子易圖說之一頁



軍曲侯印之八



鼻紐

軍曲侯印之九



鼻紐

軍曲侯印之十



鼻紐

軍曲侯印之十一



鼻紐

繪事雜錄 (續)

丹青志

畫山不畫小、畫水不畫均、畫石不畫巧、畫樹不畫孤、畫路不畫直、畫境不畫重、畫貴不畫醜、畫賤不畫清、畫錯不畫俗、畫古不畫今、

沈顯畫歷

世但知封膜作畫、不知自舜妹嫫始、客曰惜此神技、創于婦人、予曰嫫媿脫舜于腹象之害、則造化在手、堪作畫祖(表原) 神與畫俱有南北宗分、亦同時氣運復相敵也、南則王摩詰、裁構淳秀、出韻幽淡、為文人開山、若荆關宏璞董巨二米子久叔明松雪梅更迂翁、以至明興沈文慧燈無盡、北則李思訓風骨奇峭、揮掃躁動、為行家建幃、若趙幹伯駒伯驥馬遠夏珪、

坤寧宮東暖殿東間外面



以至戴文進吳小仙張平山輩、日就孤禪、衣鉢塵土(分宗)少陵云、高簡詩人意、今人刻意求簡、便

落倪迂、不刻意求簡、欲為倪迂、不可得也

把之有神、揆之有骨、玩之有聲、唐人云、汗汗漫漫一筆耕、一草一木棲神靈、恍疑畫中有物、物中有聲、此僅為智者道、吁、嘉隆而後、神骨且乏、况聲乎、

層層疊嶂、如歌行長篇、遠山疎麓、如五七言絕、愈簡愈入深永、唐史涉筆、愈更難藏、董北苑之精神在雲間、趙承旨之風韻在金間、已而交相非非、非趙也董也、非因襲之流弊、流弊既極、遂有矯枉、至習矯枉轉為因襲、其成流弊、其中機振循環、去古愈遠、自立愈疏、何不尋宗覓派、打成冷局、非北苑、非承旨、非雲間、非金間、非因襲、非矯枉、孤蹤獨響、竟然自得(定格)山于春如慶、于夏如競、于秋如病、于冬如定(辨景)、筆與墨最難相遭具境、而皺之清濁在筆有皺、而勢之隱顯在墨、米襄陽用王洽之澀墨、參以破墨、積墨焦墨、故融厚有味、予讀天隨子傳、悟飛墨法、輪廓布皺之後、綽背烘漫、以顯氣韻沉鬱、令不易測題曰驕然鼓毫暗目失縮、巖酣瀑呼、或墮所都一墨、大千一點塵劫、是心所現、是佛所說、

(未完)

故宮博物院前後五年經過記 (續)

栗亭

清室內務府致內務部函三十三年十二月二十日

敬啟者昨接清室善後委員會函稱、本日上午九時開會討論一切、自執政府成立後、主持公道、羣疑頓釋、赴烈有歸、曾經敝處函述情由、並聲明修改條件、不能認為有效、則此項委員會礙難承認、以後委員會、如有議決事件、亦不能認為有效、理合聲明、倘承執政府另籌辦法、或改組委員會、公平決定敝處自無不從命、並祈查照轉致至級公誦即頌、

台綏 清室內務府謹啓

坤寧宮祭神廚



處不能負責、相應專函聲明請煩貴部查照存案、實級公誦此致內務部 清室內務府謹啓

坤寧宮前神杆



清室全體意見所有委員會一事 仍候執政府有辦法、再行遵辦、此時未便蒞會、聘書五件附上、即請代繳、無任感荷、敬頌鈞綏

勘誤

第二十二期第四版第十三行、標題「秘書處」字樣上、應有「先生」二字、脫漏、

(未完)